

জাতীয়

জামায়াতের চিঠিতেই এমপি পদ যাবে না, স্পষ্ট করলেন সিইসি

প্রতিবেদক: প্রোব ডেস্ক

প্রকাশের তারিখ: মঙ্গলবার, ২৮ জুলাই ২০২৬, ০৪:২৩ PM



ছবি: সংগৃহীত

সাতক্ষীরা-৪ আসনের সংসদ সদস্য (এমপি) গাজী নজরুল ইসলামের সদস্যপদ নিয়ে আইন অনুযায়ী প্রয়োজনীয় প্রক্রিয়া অনুসরণ করা হবে বলে জানিয়েছেন প্রধান নির্বাচন কমিশনার (সিইসি) এ এম এম নাসির উদ্দিন। তিনি বলেন, এ বিষয়ে জাতীয় সংসদের স্পিকারের কাছ থেকে আনুষ্ঠানিক রেফারেন্স পাওয়ার পরই নির্বাচন কমিশন ব্যবস্থা নিতে পারবে।

মঙ্গলবার (২৮ জুলাই) সাংবাদিকদের সঙ্গে আলাপকালে সিইসি এ কথা বলেন।

সম্প্রতি এক নারীর সঙ্গে গাজী নজরুল ইসলামের একটি ভিডিও সামাজিক যোগাযোগমাধ্যমে ছড়িয়ে পড়ার পর বাংলাদেশ জামায়াতে ইসলামী তাকে দল থেকে বহিস্কার করে। পরে দলটির পক্ষ থেকে তার বিরুদ্ধে প্রয়োজনীয় ব্যবস্থা নেওয়ার জন্য জাতীয় সংসদের স্পিকার ও নির্বাচন কমিশনে পৃথকভাবে লিখিত চিঠি দেওয়া হয়।

গাজী নজরুল এমপি পদ হারালে সাতক্ষীরায় কপাল খুলবে কার?

সিইসি বলেন, জাতীয় সংসদ সদস্যপদ বিরোধ নিষ্পত্তি আইন, ১৯৮০ অনুযায়ী, কোনো সংসদ সদস্যের পদ নিয়ে বিরোধ দেখা দিলে নির্বাচন কমিশন সরাসরি ব্যবস্থা নিতে পারে না। প্রথমে বিষয়টি জাতীয় সংসদের স্পিকারের মাধ্যমে কমিশনের কাছে আনুষ্ঠানিকভাবে পাঠাতে হয়। এরপর কমিশন সংশ্লিষ্ট পক্ষগুলোর শুনানি নিয়ে আইন অনুযায়ী সিদ্ধান্ত দেয়।

তিনি আরও জানান, রাষ্ট্রপতি নির্বাচন সংক্রান্ত বিষয়ে ভারপ্রাপ্ত স্পিকারের সঙ্গে তার বৈঠক হলেও সাতক্ষীরা-৪ আসনের সংসদ সদস্যের বিষয়টি সেখানে আলোচনায় আসেনি।

সিইসি বলেন, স্পিকারের কার্যালয় থেকে লিখিতভাবে বিষয়টি নির্বাচন কমিশনে পাঠানো হলে বিদ্যমান আইন অনুযায়ী প্রয়োজনীয় আইনি পদক্ষেপ নেওয়া হবে।

এ বিভাগের আরও খবর



প্রথমবার কিশোরগঞ্জ সফরে প্রধানমন্ত্রী তারেক রহমান
প্রধানমন্ত্রী তারেক রহমান প্রধানমন্ত্রী হিসেবে দায়িত্ব নেওয়ার পর প্রথমবারের মতো আজ রোববার কিশোরগঞ্জ সফর করছেন।
জাতীয় মৎস্য পক্ষ-২০২৬-এর উদ্ব...



প্রধানমন্ত্রী কিশোরগঞ্জ যাচ্ছেন আজ
প্রধানমন্ত্রী তারেক রহমান আজ রবিবার (১৬ আগস্ট) কিশোরগঞ্জ সফরে আসছেন। ঢাকা থেকে সড়কপথে রওয়ানা হয়ে কিশোরগঞ্জ সদর ছাড়াও কটিয়াদী ও পাকুন্দিয়া উপ...



৭ জেলায় ঝোড়ো হাওয়া ও বজ্রসহ বৃষ্টির আশঙ্কা
দুপুরের মধ্যে দেশের ৭ জেলার ওপর দিয়ে ঝোড়ো হাওয়া ও বজ্রসহ বৃষ্টির আশঙ্কা রয়েছে। এ ছাড়া সংশ্লিষ্ট এলাকার নদীবন্দরগুলোকে ১ নম্বর সতর্কসংকেত দেব...



রাষ্ট্রপতি নির্বাচন: মনোনয়নপত্র বাছাই আজ
রাষ্ট্রপতি নির্বাচনে মনোনয়নপত্র বাছাই হবে আজ রবিবার (১৬ আগস্ট)। নির্বাচন ভবনে নির্বাচনী কর্তা (প্রধান নির্বাচন কমিশনার) সকাল ১০টা থেকে মনোনয়ন...

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/national/jamayater-chithitei-empi-pd-jabe-na-spsht-krln-siisi>